



ПОСЛЕДОВАНИЕ СВЯТАГО ЕЛЕЯ

певаемое от седми священников,
собравшихся в церкви.

Поставляется столец, на немже блюдо со пшеницею, и верху пшеницы кандило праздное*, окрест же пшеницы водружают во пшеницу семь струец, обвитых бумагою** к помазанию, и святое Евангелие; и даются священником всем свечи.

Ставшие же окрест стола, облечени вси в фелони; возьмет первый священник кадильницу с фимиамом, и кадит окрест стола елей на нем суший, и всю Церковь, и люди; и став пред столом, зря к востоком, начинает глаголя:

Благословен Бог наш всегда, ныне и присно, и во веки веков.

Чтец: Аминь. Слава Тебе, Боже наш, слава Тебе.

Царю Небесный, Утешителю, Духе истины, Иже везде сый и вся исполняяй, Сокровище благих и жизни Подателю, прииди и вселися ны, и очисти ны от всякия скверны, и спаси, Блаже, души наша.

Святый Боже, Святый Крепкий, Святый Безсмертный, помилуй нас. (Трижды)

Слава Отцу и Сыну и Святому Духу, и ныне и присно, и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Господи, помилуй. (3) Слава, и ныне:

Отче наш, Иже еси на небесех! Да святится Имя Твое, да придет Царствие Твое, да будет воля Твоя, яко на небеси и на земли. Хлеб наш насущный даждь нам днесь, и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Священник: Яко Твое есть Царство, и сила, и Слава, Отца и Сына и Святого Духа, ныне и присно и во веки веков.

Чтец: Аминь. Господи, помилуй. (12) Слава, и ныне:

Приидите, поклонимся Цареву нашему Богу.

Приидите, поклонимся и припадём Христу, Цареву нашему Богу.

Приидите, поклонимся и припадём Самому Христу, Цареву и Богу нашему.

*Пустая лампада.

**Хлопчатобумажная вата.

Последование

И псалом 142:

Господи, услыши молитву мою, внуши моление мое во истине Твоей, услыши мя в правде Твоей и не вниди в суд с рабом Твоим, яко не оправдится пред Тобою всяк живой. Яко погна враг душу мою, смирил есть в землю живот мой, посадил мя есть в темных, яко мертвые века. И уны во мне дух мой, во мне смятесе сердце мое. Помянух дни древния, поучихся во всех делах Твоих, в творениях руку Твоею поучахся. Воздох к Тебе рuce мой: душа моя яко земля безводная Тебе. Скоро услыши мя, Господи, исчезе дух мой; не отврати лица Твоего от мене, и уподоблюся низходящим в ров. Слышану сотвори мне завтра милость Твою, яко на Тя уповах. Скажи мне, Господи, путь, вонже пойду, яко к Тебе взях душу мою. Изми мя от враг моих, Господи, к Тебе прибегах. Научи мя творити волю Твою, яко Ты еси Бог мой; Дух Твой Благий наставит мя на землю праву. Имене Твоего ради, Господи, живиши мя, правдою Твоею изведеши от печали душу мою. И милостию Твоею потребиши враги моя, и погубиши вся, стужающия души моей, яко аз раб Твой есмь.

Слава, и ныне: Аллилуия, аллилуия, аллилуия, слава Тебе, Боже. (3)

Диакон же глаголет ектению малую: Паки и паки:

Лик: Господи, помилуй. (на каждое прошение)

Священник: Яко подобает Тебе всякая слава, честь и поклонение, Отцу и Сыну и Святому Духу, ныне и присно, и во веки веков.

Лик: Аминь.

Диакон: Аллилуия, глас 6:

Лик: Аллилуия: (Трижды, и на кийждо стих):

Ал-ли-лу-и-я, ал-ли-лу-и-я, ал-ли-лу-и-я.

Стих 1: Господи, да не яростию Твоею обличиши мене, ниже гневом Твоим накажеш мене.

Стих 2: Помилуй мя, Господи, яко немощен есмь.

Таже тропари:

Помилуй нас, Господи, помилуй нас;/ всякаго бо ответа недоумеюще,/ сию Ти молитву яко Владыце// грешнии приносим: помилуй нас.

Слава: Гóсподи, помíлуй нас, / на Тя бо упováхом, / не прогнéвайся на ны зелó, / ниже помяни беззакóний náших, / но прízри и ныне я́ко благоутрóбен, / и избáви ны от враг náших: / Ты бо еси́ Бог наш, / и мы лю́дие Твой, / вси дела́ руку́ Твоею, // и íмя Твое́ призывáем.

И ныне: Милосéрдия двéри отвéрзи нам, / благословéнная Богорóдице, / надéющиися на Тя да не погíбнем, / но да избáвимся Тобóю от бед: / Ты бо еси́ спасéние // рóда христиáнского.

Посем псалом 50:

Помíлуй мя, Бóже, по вели́цей мíлости Твое́й, и по мно́жеству щедрóт Твои́х очисти беззакóние моё. Наипáче омы́й мя от беззакóния моего́, и от грехá моего́ очисти мя. Я́ко беззакóние моё аз зная́ю, и грех мой прéдо мно́ю есть вýну. Тебе́ еди́ному согрешíх и лука́вое пред Тобóю сотворíх, я́ко да оправди́шия во словесéх Твои́х и победи́ши, внегда́ суди́ти Ти. Се бо, в беззакóнных зачат есмь, и во гресéх роди́ мя ма́ти моя́. Се бо, íстину возлюбил еси́, безвéстная и та́йная премудрости Твоея́ явил ми еси́. Окропи́ши мя иссо́пом, и очи́шуся, омы́еши мя, и па́че снéга убелю́ся. Слу́ху моему́ да́си ра́дость и весéлие, возра́дуются ко́сти смире́нныя. Отврати́ лице́ Твое́ от грех мои́х и вся беззакóния моя́ очисти. Сёрдце чíсто сози́жди во мне, Бóже, и дух прав обнови́ во утрóбе мое́й. Не отвéржи мене́ от лица́ Твоего́, и Ду́ха Твоего́ Свята́го не отыми́ от мене́. Возда́ждь ми ра́дость спасéния Твоего́, и Ду́хом Влады́чним утверди́ мя. Научу́ беззакóнныя путём Твои́м, и нечестíвии к Тебе́ обратят́ся. Избáви мя от кровéй, Бóже, Бóже спасéния моего́, возра́дуется язы́к мой правде Твое́й. Гóсподи, устне́ мои́ отвéрзеши, и уста́ моя́ возвестя́т хвалу́ Твою́. Я́ко а́ще бы восхотéл еси́ жéртвы, дал бых úбо: всесожжéния не благоволи́ши. Жéртва Бóгу - дух сокруше́н; сёрдце сокруше́нно и смире́нно Бог не уничи́жит. Ублажи́, Гóсподи, благоволе́нием Твои́м Сио́на, и да сози́ждутся стéны Иерусали́мския. Тогда́ благоволи́ши жéртву правды, возно́шение и всесожи́гаемая; тогда́ возложáт на олта́рь Твой тельцы́.

И канон, (егоже краестрочие: Молитва елея, пение Арсениево), глас 4:

Песнь 1

Ирмос: Мóря чермну́ю пучи́ну, / невла́жными стопáми, / дрéвний пешешéствовав Изра́иль, / крестообразны́ма Моисéовыма рука́ма, // Амали́кову си́лу в пусты́ни победи́л есть.

Припев: Помíлуй мя, Гóсподи, я́ко нéмощен есмь.

Елéем благоутрóбия, Влады́ко, утешáяй прíсно ду́ши, кúпно и телеса́ челове́ческая, и храня́й елéем вёрныя; Сам и ны́не уще́дри елéем приступа́ющия к Тебе́.

Твоея мѣлости, Владыко, полна́ есть вся земля; тѣмже елѣем Божѣственным Твоѣм честным помазу́еми днесь, ѣже паче ума́ Твоѣй мѣлости, вѣрно просим Тя, податися нам.

Слава: Пома́зание священное Твоѣ, Человеколю́бче, апѣстолом Твоѣм на немощствующия рабы́ Твоѣ совершати мѣлостивно заповѣдавый, тех мольба́ми вся печатію Твоѣю помѣлуй.

И ныне: Еди́на міра пучіну Чістая рѣждшая, яже к Бо́гу моли́твами Твоѣми прѣсно, недугѣв и скорбѣй Твоѣ рабы́ изба́ви; я́ко да непрестанно возвеличат Тя.

Песнь 3

Ирмос: Веселітся о Тебѣ Цѣрковь Твоѣ, Христе́, зовущи:/ Ты моя́ крѣпость, Го́споди, // и прибѣжище и утверждѣние.

Ты Единъ сый дивный в челове́цах вѣрных, мѣлостивый, болящим лю́те, даждь, Христе́, благодать Твою́ свѣше.

Елѣйный сучѣц иногда́, ко умалѣнію пото́па, Божѣственным Твоѣм показавый мановѣнием, Го́споди, спаси́ мѣлостію страждущия.

Слава: Свещѣю Божѣственнаго свѣта, в мѣлости Твоѣй, Христе́, просвети́ пома́занием, и ны́не вѣрою к мѣлости Твоѣй тща́щияся.

И ныне: Призри благопріятно, Ма́ти всех Творца́, свѣше, и горькое озлоблѣние разреши́ недугующия, моли́твами Твоѣми.

Седален, глас 8.

Подобен: Па́стырская свирѣль:

Яко Божѣственная река́ мѣлости сый, я́ко бѣдна мно́гаго милосѣрдия, Ще́дре, покажи́ Твоея́ мѣлости Божѣственныя струи́, и всех исцели́, источи́ чудѣс истѣчники незавѣстно, и омы́й всех: к Тебѣ бо прѣсно притека́юще, тѣпле благодать испроша́ем.

Другий, глас 4:

Подобен: Вознесы́йся:

Врачу́ и Помощниче́ сущих в болѣзнях, Изба́вителю же и Спа́се сущих в недугѣх, Сам всех Владыко и Го́споди, да́руй исцелѣние недугующим рабо́м Твоѣм, ущѣдри, помѣлуй многопрегрѣшившия, и прегрѣшеній изба́ви, Христе́, я́ко да сла́вят Бо́жественную сі́лу Твою́.

Песнь 4

Ирмос: Вознесѣна Тя ви́девши Цѣрковь на Крестѣ, / Со́лнце Пра́ведное, / ста в чѣне своѣм, / досто́йно зыва́ющи: // сла́ва сі́ле Твоѣй, Го́споди.

Яко нетлѣнное міро, Спасе, сый, истощившееся Твоею благо-
датию, и мир очищающее, ущѣдри и помилуй, Божественне, верою,
струпы телесныя помазующия.

Тихостию печати Твоея милости, ныне чувства, Владыко, зна-
менав Твоих рабов, непроходим, неприступен вход сотвори всем
сопротивным силам.

Слава: Призывати повелеваяй немощствующим, священно-
действители Божественныя Твоя, и сих молитвою и помазанием елея
Твоего, Человеколюбче, спасатися, спаси Твоею милостию страж-
дущия.

И ныне: Богородице Приснодево Пресвятая, Покрове Крепкий
и Хранительнице, Пристанище же и Стено, Лествице и Предградие,
помилуй, ущѣдри болящия, к Тебе бо и единой прибегахом.

Песнь 5

Ирмос: Ты, Господи, мой Свет, / в мир пришел еси, / Свет
Святый, обращай / из мрачна неведения // верою воспеваю-
щия Тя.

Сый, Блаже, милости бездна, помилуй, Милостиве, Твоею
Божественною милостию страждущия, яко благоутробен.

Души наша, Христе, и телеса, свыше печати Твоея Божественным
воображением, освятив несказанно, рукою Твоею всех исцели.

Слава: Неизреченною Твоею любовью, Преблагий Господи,
примый блудницею сущее от мира помазание, ущѣдри рабы Твоя.

И ныне: Всепетая, Чистая, Преблагая Владычице, помилуй
Божественным помазующихся елеем, и спаси рабы Твоя.

Песнь 6

Ирмос: Пожру Ти со гласом хваления, Господи, / Церковь
вопиет Ти, / от бесовския крове очищися, / ради милости от
ребр Твоих // истекшею кровию.

Словесы Твоими, елеем показавый, Человеколюбче, в царех
помазание, и архиереи сие совершивый: печатию Твоею и страждущия
спаси, яко благоутробен.

Приобщение да не от горьких бесов прикоснется, помазанием
Божественным знаменаным, Спасе, чувства; но покровом обстени* сих
славы Твоея.

Слава: Подаждь руку Твою с высоты, Человеколюбче, и Твой
елей, Спасе, освятив подаждь рабом Твоим на здравие, и недугов
всех на избавление.

И ныне: Явилася еси в Божественном Твоем храме плодovitая, Мати Творца, маслина, Еюже исполнен явился мир милости; темже спасай молитвами осязания Твоего страждущих.

Кондак, глас 2.

Подобен: Вышних ища:

Милости Источник сый Преблагий, / верою теплою к милости неизреченной Твоей припадающия, Благоутробне, / от всякаго избави озлобления, / и тех недуги взем, // подаждь Божественную благодать свыше.

Песнь 7

Ирмос: В пещи авраамстии / отроцы персидстей, / любовию благочестия паче, / нежели пламенем, опаляеми, взываху: // благословен еси в храме славы Твоея, Господи.

Ты в милости и щедротах Твоих, Спасе, Еди́не Бо́же, всех исцеляяй, страсти же душевныя, и телесная сокрушения, и сия в недугех страждущия Сам исцеляяй уврачу́й.

Внегда помазатися елеем помазания всех главам, подаждь сим веселия радость, милость ищущим Твоего избавления, Христэ, богатою Твоею милостию, даруя, Господи.

Слава: Меч есть над демоны, Спасе, Твоя печать; огонь же попляяй страсти душевныя, священников мольбы. Темже верно поем Тя, приемлющи исцеление.

И ныне: Ты Держащаго горстию вся, Мати Божия, внутрь во чреве приемши боголепно, и неизреченно воплотивши, о страждущих умилостивити Сего просим.

Песнь 8

Ирмос: Руце распростер Даниил, / львов зияния в рове затче; / огненную же силу угасиша, / добродетелию препоясавшися, / благочестия рачители, / отроцы взывающе: // благословите, вся дела Господня, Господа.

Вся помилуй, Спасе, по велицей Твоей и Божественной милости; сего ради собрахомся вси, тайно вообразующе щедрот Твоих приклонение, помазание приносяще елеем, верою Твоим рабом, ихже и посети́.

Струями милости Твоея, Христэ, и помазании священников Твоих, омый яко благоутробен, Господи, болезни и озлобление, и болезней нашествия, в нуждах страстей мучимыя, яко да славят Тя спасшиися благодарственно.

* защити́, оградя́

Слава: Зна́мение е́же свѣше приклонѣния и тихости, мѣлость Божѣственную нам припису́ющим, Влады́ко, не удали́ Твоея́ мѣлости, ниже́ прѣзри ве́рою прѣсно зову́щия: благослови́те, вся дела́ Господня́, Го́спода.

И ныне: Пресла́вное я́ко венѣц, Чи́стая, естество́ прият, Божѣственное Твое́ Рождество́, враго́в сокруша́ющее ополчѣния, и побежда́ющее держа́вно тех; сего́ ра́ди благодáтей Твои́х радостными венча́еми светлостью́, Тебе́ воспѣа́ем, Препѣтая Влады́чице.

Песнь 9

Ирмос: Ка́мень неруко́сѣчный/ от несекóмыя горы́, Тебе́, Дѣво,/ краеуго́льный отсечѣся,/ Христóс, совокупѣвый разстоя́щая естества́.// Тем, веселя́щися, Тя, Богороди́це, велича́ем.

При́зри с небесе́, Ще́дре, покажи́ Твою́ мѣлость всем, даждь ны́не заступлѣние Твое́, и крѣпость Твою́ приступа́ющим к Тебе́, Божѣственным пома́занием священников Твои́х, Человеколю́бче.

Ви́дехом, Преблагий́ Спа́се, раду́ющися Божѣственный елей́ приклонѣнием Твои́м Божѣственным па́че причáстников, егóже при́ял еси́, и изобразительно́ препóдал еси́, ба́ни Божѣственныя причаща́ющимся.

Слава: Ущѣдри, помѣлуй, Спа́се, изба́ви от лю́тых, и болѣзней; изба́ви от стрел лука́ваго Твои́х рабо́в ду́ши и телеса́, я́ко мѣлостивый Господь, пома́занием Божѣственным исцелева́й.

И ныне: Пѣния и мольбы́, Дѣво, приѣмлющи Твои́х рабо́в, изба́ви лю́тых страсте́й и болѣзней, моли́твами Твои́ми, на́ми, Пречѣстая, Божѣственному Твое́му кро́ву притека́ющия.

Досто́йно е́сть, я́ко вои́стинну,/ блажи́ти Тя, Богороди́цу,/ Присноблаже́нную и Пренепоро́чную,/ и Ма́терь Бо́га на́шего./ Честне́йшую Херувѣм/ и сла́внейшую без сравне́ния Серафѣм,/ без ислѣ́ния Бо́га Сло́ва ро́ждшую,// су́щую Богороди́цу Тя велича́ем.

Ексапостиларий

Подобен: Посетѣ́л ны е́сть:

В мѣлости, Бла́же, при́зри Твои́м о́ком на молѣние нас, сше́дшихся в храм Твой святы́й днесь, пома́зати Божѣственным елее́м недугу́ющия рабы́ Твоя́.

Таже стихиры, глас 4:

Подобен: Дал еси́ зна́мение:

Дал еси́ благодáть Твою́,/ Твои́ми, Благопременѣтелю, апо́столы, Человеколю́бче,/ елее́м святы́м Твои́м целѣ́ти всех я́звы же и недуги́;/ те́мже к еле́ю Твое́му ве́рно приступа́ющия,/

и ны́не, я́ко благоутро́бен, / освяти́, поми́луй, от вся́каго недúга очисти́, // и пи́щи нетле́нныя Твоея́ сподо́би, Го́споди.

При́зри, Непостижи́ме, с небесе́, / я́ко благоутро́бен, / руко́ю невидимо́ю Твое́ю зна́менав, Человеколю́бче, на́ша чу́вства, / елее́м Твои́м Божество́нным, / притека́ющим к Тебе́ ве́рно, / и прося́щим прегреше́ний оставле́ние да́руй, / и исцеле́ние душáм и телесе́м, / да любóвию просла́вят Тя, // велича́я держа́ву Твою́.

Помáзанием еле́я Твоего́, / и священников, Человеколю́бче, осяза́нием / рабы́ Твоя́ освяти́ свы́ше, / недúгов свободи́, душе́вныя же скве́рны очисти́, / омый, Спа́се, и многоплетенных собла́знов изба́ви; / болéзни ути́ши, обстоя́ние отжени́ и ско́рби потреби́, // я́ко щедр и благоутро́бен.

Слава и ныне, Богородичен:

Тебе́ чистей́шую Царе́ву Пала́ту / молю́, Многопéтая, / ум мой очисти́ оскверне́нный вся́кими грехáми, / и жили́ще красное Пребоже́ственныя Трóицы сотвори́, / я́ко да си́лу Твою́ и безме́рную ми́лость велича́ем спаса́емии, // непотребни́и раби́ Твои.

Таже, Трисвятое: Возглас: Я́ко Твое́ есть Цáрство:

Таже тропарь, глас 4:

Ско́рый в заступле́нии еди́н сый, Христé, / ско́рое свы́ше покажи́ посещение́ стра́ждущим рабо́м Твои́м, / изба́ви недúгов, и го́рьких болéзней; / воздви́гни во е́же пéти Тя и сла́вити не-преста́нно, // моли́твами Богороди́цы, Еди́не Человеколю́бче.

По сих же диакон, или первый от священников, ектению сию:

Ми́ром Го́споду помо́лимся.

Лик: Го́споди, поми́луй. (и на каждое прошение)

О свы́шнем ми́ре и спасе́нии душ на́ших, Го́споду помо́лимся.

О ми́ре всего́ ми́ра, благостоя́нии Святы́х Бо́жих Церквей и соедине́нии всех, Го́споду помо́лимся.

О святéм хра́ме сем, и с ве́рою, благоговéнием и стра́хом Бо́жиим входя́щих вонь, Го́споду помо́лимся.

О е́же благослови́тися еле́ю сему́ си́лою и де́йством и най́тием Свята́го Ду́ха, Го́споду помо́лимся.

О рабéх Бо́жих (имярек), и о е́же в Бо́зе посеще́нии их, и е́же приити́ на них благода́ти Свята́го Ду́ха, Го́споду помо́лимся.

О еже избáвиться им и нам от всѣкѣя скорби, гнѣва и нѹжды, Гóсподу помóлимся.

Заступи́, спаси́, помилуй, и сохрани́ их и нас, Бóже, Твоею благодáтию.

Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувшие, сами себе, и друг друга, и весь живот наш Христу́ Богу предадим.

Лик: Тебѣ, Гóсподи.

Таже глаголет первый от священников молитву елея над кандилом.

Ведомо буди, яко в велицей Церкви, вместо воды, вино в кандило молитвомаслия влагают.

Диакон: Гóсподу помóлимся.

Лик: Гóсподи, помилуй.

Священник молитву:

Гóсподи, милостию и щедрóтами Твоими исцеляяй сокрушения душ и телес наших, Сам, Владыко, освяти елей сей; якоже быти помазующимся от него во исцеление, и в пременение всякия страсти, скверны плóти и Духа, и всякаго зла; да и в сих прославится Твое Пресвятóе Имя, Отца́ и Сына́ и Святаго́ Духа, ныне и присно, и во веки веков, ами́нь.

Священницы же прочии тихо купно с ним чтут молитву туюжде.

Во елико же глаголется молитва от священников, поются тропари сия:

Глас 4:

Скорый в заступлении еди́н сый, Христé, / скорое свы́ше покажи́ посещение страждущим рабóм Твоим, / избáви недугóв, и горьких болéзней; / воздвигни во еже пéти Тя и славити непрестáнно, // моли́твами Богородицы, Еди́не Человеколю́бче.

Глас тойже:

Душе́вныма очима́ ослеплén, / к Тебѣ, Христé, прихожду́, / якоже слепы́й от рождéния, / в покая́нии зову́ Тебѣ: // мило́стив нам б́уди, Еди́не Благопременителю.

Глас 3:

Душу́ мою́, Гóсподи, во гресéх всѣческих, / и безмéstными дея́ными лю́те осла́бленную, / воздвигни Божéственным Твоим предста́тельством, / якоже и осла́бленнаго воздвигл еси́ дрéвле, / да зову́ Ти спаса́ем: // ще́дрый, даждь ми, Христé, исцелéние.

Глас 2:

Яко Господень ученик восприял еси праведне Евангелие;/
яко мученик имаши еже неописанное, дерзновение,/ яко брат
Божий;/ еже молитися, яко иерарх./ Моли Христа Бога, // спа-
стися душам нашим.

Глас 4:

Отчее единородное Бог Слово,/ пришедшее к нам в пос-
ледняя дни,/ Иакове Божественне,/ первого ты показá Иеру-
салимляном пастыря и учителя,/ и вернаго строителя/ таинств
духовных; // темже ты вси чтим, апостоле.

Глас 3:

В Мирех, святе, священнодействитель показáлся еси:/
Христово бо, преподобне, Евангелие исполнив,/ положил еси
душу твою о людех твоих,/ и спасл еси неповинныя от смерти;/
сего ради освятился еси, // яко великий таинник Божия благодати.

Глас тойже:

Велика обрете в бедах/ ты поборника вселенная, страс-
тотерпче,/ языки побеждающая;/ якоже убо Лиеву низложил
еси гордыню,/ и на подвиг дерзновенна сотворив Нестора;/
такó, святе Димитрие,/ Христу Богу молися, // даровати нам
велию милость.

Глас тойже:

Стратотерпче святыи и целбниче Пантелеймоне,/ моли
милостиваго Бога,/ да прегрешений оставление // подаст душам
нашим.

Глас 8:

Святии безсребреницы и чудотворцы,/ посетите немощи
наша: // туне приясте, туне дадите нам.

Глас 2:

Величия твоя, девственнице, кто повесть;/ точиши бо чу-
деса, и изливаеши исцеления,/ и молишися о душах наших, //
яко Богослов и друг Христов.

Слава, и ныне, Богородичен:

Моление теплое, и стена неборимая,/ милости источнице,
мирови прибежище,/ прилежно вопием Ти:/ Богородице
Владычице,/ предвари, и от бед избави ны, // Единая вскоре
предстательствующая.

Диакон: Вѣнчнемъ.

Священник первый: Мир всемъ.

Чтец: И дѣху твою.

Диакон: Премудрость, вѣнчнемъ.

Чтец, прокимен, глас 1: Буди, Господи, милость Твоя на нас, / якоже уповахом на Тя.

Стих: Радуйтеся праведнии о Господе, правым подобает похвала.

Диакон: Премудрость. Соборнаго послания Иаковля чтение. (Ведомо же буди, яко апостол от диакона читается) Вѣнчнемъ:

Братие, образ примите злострадания и долготерпения, пророки, иже глаголаша Именем Господним. Се, блажим терпящих. Терпение Иовле слышасте, и кончину Господню увидите, яко многомилостив есть Господь, и щедр. Прже же всех, братие моя, не кленитесь ни небом, ни землею, ни иною кобою клятвою; буди же вам, еже ей, ей, и еже ни, ни; да не в лицемerie впадете. Злостраждет ли кто в вас? да молитву деет. Благодущствует ли кто? да поет. Болит ли кто в вас? да призовет пресвитеры церковныя, и да молитву сотворят над ним, помазавше его елеем во Имя Господне. И молитва веры спасет болящаго, и воздвигнет его Господь, и аще грехи сотворил есть, отпустятся ему. Исповедайте убо друг другу согрешения, и молитесь друг за друга, яко да исцелете: много бо может молитва праведнаго спешествуема.

Священник первый: Мир ти.

Диакон: И дѣху твою.

Священник: Премудрость, вѣнчнемъ.

Диакон: Аллилуия, глас 8.

Аллилуия, аллилуия, аллилуия - - - и - я.

Стих: Милость и суд воспою Тебе, Господи.

Диакон: Премудрость, прости, услышим святого Евангелия.

Священник: Мир всем. **Лик:** И духови твоему.

Священник: От Луки святого Евангелия чтение.

Лик: Слава Тебе, Господи, слава Тебе.

Диакон: Вондем.

сн
53

Во время оно, законник некий приступи ко Иисусу, искушая Его, и глаголя: Учителю, что сотворив живот вечный наследую? Он же рече к нему: в законе что писано есть, како чтещи? Он же отвещав, рече: возлюбиши Господа Бога твоего от всего сердца твоего, и от всей души твоея, и всею крепостию твоею, и всем помышлением твоим; и ближнего своего, яко сам себе. Рече же ему: право отвещал еси: сие сотвори, и жив будещи. Он же хотя оправдаться сам, рече ко Иисусу: и кто есть ближний мой? Отвещав же Иисус, рече: человек некий сходяше от Иерусалима во Иерихон, и в разбойники впаде, иже совлекше его и язвы возложше отыдоша, оставльше едва жива суща. По случаю же священник некий сходяше путем тем, и видев его, мимоиде. Такожде же и левит, быв на том месте, пришед и видев, мимоиде. Самарянин же некто грядый, прииде над него, и видев его милосердова; и приступль обяза струпы его, возливая масло и вино; всадив же его на свой скот, приведе его в гостинницу и прилежа ему. И наутрия изшед, изъемь два сребреника, даде гостиннику, и рече ему: прилежи ему, и еже аще прииждивещи, аз, егда возвращуся, воздам ти. Кто убо от тех трех ближний мнит ти ся быти впадшему в разбойники? Он же рече: сотворивый милость с ним. Рече же ему Иисус: иди, и ты твори такожде.

Лик: Слава Тебе, Господи, слава Тебе.

Таже диакон глаголет ектению:

Помилуй нас, Боже, по велицей милости Твоей, молим Ти ся, услыши и помилуй.

Лик: Господи, помилуй. (Трижды, на каждое прошение)

Еще молимся о милости, жизни, мире, здравии, спасении, посещении и оставлении грехов рабов Божиих (имярек).

О еже простѣтися им всякому согрешѣнію, вольному и невольному, Господу помолѣмся.

И возглас: Яко мѣлостив и Человеколюбец Бог еси, и Тебѣ славу возсылаем, Отцу и Сыну и Святому Духу, ныне и присно и во веки веков.

Лик: АМИНЬ.

Диакон: Господу помолѣмся. **Лик:** Господи, помилуй.

Священник молитву:

Безначальне, Вѣчне, Святе святых, Единороднаго Твоего Сына низпославый, исцеляющаго всякий недуг, и всяку язю душ и телес наших, низпосли Святаго Твоего Духа и освяти елей сей, и сотвори и помазующимся Твоим рабом (имярек), в совершенное избавление грехов их, в наследие Царствия Небеснаго.

Ведомо буди, яко неции молитву убо сию даже до зде токмо глаголют, с возглаголением: Твое бо есть еже мѣловати: Неции же даже до конца глаголют:

Ты бо еси Бог велий и дивен, храняй завет Твой и мѣлость Твою любящим Тя, дай избавление грехов, Святым Твоим Отроком Иисусом Христом; Иже омывый нас от греха святым крещением, и освятивый Духом Святым; Иже просветивый слепыя, и исправивый низверженныя, любяй праведныя и грешныя милуяй; Иже изведый нас от тмы и сени смертныя, глаголяй сущим во узах: изыдите, и сущим во тме: открийтеся. Иже возсиявый в сердцах наших свет ведения Его, отнели же нас ради на земли явился есть, и с человеки поживе, познавшим Тя дал есть власть чадом Божиим быти, и непричастны нас сотворил есть от насильства диаволя; понеже не благоволил еси кровию очиститися, но елеем святым дал еси образ Креста Его очищатися, во еже быти нам стаду Его, царскому священію, языку Святому. Сам Владыко Господи, даждь благодать нам в служение Твое сие, якоже дал еси Моисеови угоднику Твоему, и Самуилу возлюбленному Твоему, и Иоанну избранному Твоему, и всем во всяком роде и роде благоудившим Тебе; сиче сотвори и нас быти служители Новаго Твоего Завета над елеем сим, егже усвоил еси Честною Кровию Христа Твоего; да совлѣкшеся мирских похотей, умрем греху, и поживем правде, облѣкшеихся в Него помазанием освящения хотящих елея навестися. Буди, Господи, елей сей, елей радования, елей освящения, одежда царская, броня силы, всякаго диавольскаго действия отгнание, печать ненаветная, радование сердца, веселие вѣчное. Да и сим помазуніи паки рождения, страшни будут сопротивным, и возсияют во светлостех святых Твоих, не имуще скверны или враски;* и да приимутся в вѣчная Твоя упокоения, и восприимут почест горняго звания.

* изьяна

Последование

Твое бо есть, еже мѣловати и спасати ны, Бѣже наш: и Тебѣ славу возсылаем, со Единородным Твоим Сыном, и Пресвятым, и Благим, и Животворящим Твоим Духом, ныне и присно, и во веки веков, аминь.

И по молитве возьмет иерей струец и, омочив его во святой елей, и помазует болящих крестообразно на челе, на ноздрях, на ланитах, на устех, на персах, на руках на обе стране, глаголя молитву сию:

Отче Святыи, Врачу душ и телес, пославый Единороднаго Твоего Сына, Господа нашего Иисуса Христа, всякий недуг исцеляющаго, и от смерти избавляющаго, исцели и рабы Твоя (имярек), от обдержавши их телесныя и душевныя немощи, и оживотвори их благодатию Христа Твоего; молитвами Пресвятыя Владычицы нашея Богородицы, и Приснодевы Марии; предстательства честных Небесных Сил Безплотных; силою Честнаго и Животворящаго Креста; честнаго и славнаго пророка, Предтечи и Крестителя Иоанна; святых славных и всехвальных апостолов; святых славных, и добропобедных мучеников; преподобных и богоносных отец наших; святых и исцелителей безсребренников, Космы и Дамиана, Кира и Иоанна, Пантелеимона и Ермолая, Самсона и Диомида, Фотия и Аникиты; святых и праведных богоотцев Иоакима и Анны, и всех святых.

Яко Ты еси источник исцелений, Бѣже наш, и Тебѣ славу возсылаем, со Единородным Твоим Сыном, и Единосущным Твоим Духом, ныне и присно, и во веки веков, аминь.

Сия молитва глаголется от единого коегождо священника по еже рещи Евангелие и молитву, помазующаго вкупе елеем недугующаго.

На помазании лик припевает по обычаю:

У - слы - ши ны, Бо - же; у - слы - ши ны, Вла - ды - ко;

у - слы - ши ны, Свя - тый. По - ми - луй ны, Бо - же;

святаго елея

по - ми - луй ны, Вла - ды - ко; по - ми - луй ны, Свя - тый.

Ис - це - ли ны, Бо - же; ис - це - ли ны, Вла - ды - ко;

ис - це - ли ны, Свя - тый.

Диакон: Вѣнчю. **Священник второй:** Мир всем.

Чтец: И дѹхови Твоемѹ.

Диакон: Премѹдрость, вѣнчю.

Чтец, прокимен, глас 2: Крепость моя и пѣние мое Господь, / и бысть мне во спасѣние.

Крепость моя и пение мое Господь, и бысть мне во спасе - ни.е.

Стих: Наказѹя наказá мя Господь, смѣрти же не предаде́ мя.

Диакон: Премѹдрость. **К** римлянѹ послáния святаго апѹстола Пáвла чтѣние. Вѣнчю.

Братие, долѹжни есмѹ мы сѣльнии нѣмоци немощных носѣти и не себѣ угожда́ти. Кѣйждо же вас ближнему да угожда́ет во благо́е к созидáнию. Ибо и Христос не Себѣ угоди́, но я́коже есть писано: поношѣния поносящих Тебѣ нападо́ша на Мя. Елика́ бо преднаписана

бы́ша, в на́ше наказáние преднаписа́шася, да терпéнием и утешéнием писа́ний, упова́ние има́мы. Бог же терпéния и утешéния, да даст вам то́жде му́дрствовати друг ко дру́гу, о Христé Иисúсе; да единоду́шно еди́ными усты́ сла́вите Бо́га и Отца́ Го́спода на́шего Иисúса Христа́. Те́мже приéмлите друг дру́га, я́коже и Христóс прият вас во сла́ву Бо́жию.

Священник второй: Мир ти. **Диакон:** И дýхови твоemú.

Священник: Премúдрость, вóннем.

Диакон: Аллилу́ия, глас 5.

Ал - ли - лу - и - я, ал - ли - лу - и - я, ал - ли - лу - и - я.

Стих: Мíлости Твоя́, Го́споди, во век воспою́.

Диакон: Премúдрость, прóсти, услы́шим свята́го Евáнгелия.

Священник: Мир всем. **Лик:** И дýхови твоemú.

Священник: От Луки́ свята́го Евáнгелия чтéние.

Лик: Сла́ва Тебе́, Го́споди, сла́ва Тебе́.

Диакон: Вóннем.

Священник 2-й: Во вре́мя о́но, прии́де Иисúс во Иерихо́н. И се, муж нарица́емый Закхе́й, и сей бе ста́рей мытарéм, и той бе бога́т; и иска́ше ви́дети Иисúса, Кто есть, и не можа́ше от наро́да, я́ко во́зрастом мал бе. И предите́к, возле́зе на я́годичину,* да ви́дит, я́ко хотя́ше ми́мо ея́ прои́ти. И я́ко прии́де на ме́сто, возрeв Иисúс, ви́де его́, и рече́ к нему́: Закхе́е, потща́вся слéзи, днесь бо в дому́ твоeм подобáет Ми бы́ти. И потща́вся слéзе, и прият Его́ ра́дуясь. И ви́девше вси ропта́ху, глаго́люще, я́ко ко грéшну му́жу вни́де витáти. Став же Закхе́й, рече́ ко Го́споду: се, пол имéния моего́, Го́споди, дам ни́щим, и а́ще когó чим обиде́х, возвра́щу четвери́цею. Рече́ же к нему́ Иисúс: я́ко днесь спасéние до́му сему́ бысть, занé и сей сын Авраáмль есть: прии́де бо Сын Чело́вeчь взыска́ти и спасти́ поги́бшаго.

Лик: Сла́ва Тебе́, Го́споди, сла́ва Тебе́.

Таже диакон глаголет ектению: Помилуй нас, Бо́же:

И возглас: Я́ко ми́лостив и Чело́веколю́бец Бог еси́, и Тебе́ сла́ву возсыла́ем, Отцу́ и Сы́ну и Свято́му Дýху, ны́не и прísно, и во ве́ки веко́в.

Лик: Ами́нь.

Диакон: Гóсподу помóлимся. **Лик:** Гóсподи, помилуй.

Священник молитву:

Бóже Великий и Вы́шний, от всея тв́ари покланя́емый, премуд-
рости исто́чнице, бла́гости вои́стинну неизсле́димая бéздно, и благо-
утрóбия неопределя́емая пучи́но; Сам, Человеколю́бче Влады́ко,
превечных и дивных Бóже, Егóже никто́же от человек помышля́яй
мо́жет пости́гнути, при́зри, услы́ши нас недостóйных рабо́в Твои́х,
и иде́же о вели́цем Имени Твоём елéй сей прино́сим, низпосли́ Твоего́
да́ра исцеления, и оставле́ние грехо́в; и исцели́ я во мно́жестве ми́лости
Твоея́. Ей, Гóсподи Благопремени́телю, Еди́не Ми́лостиве и Человеко-
лю́бче, ка́яйся о зло́бах на́ших; ве́дый, я́ко належи́т по́мысл челове́ка
на лука́вая от ю́ности его́; не хотя́й сме́рти грешника, но я́ко обрати́-
ся и живу́ бы́ти ему́; грешных ра́ди спасения вочелове́чивыйся Бог
сы́й, и созда́вшийся за создáние Твое́. Ты еси́ рекый: не приидо́х при-
звáти праведныя, но грешныя в покая́ние; Ты еси́, овча́ взыска́вый
заблуждшее; Ты еси́, поги́бшую дра́хму приле́жно взыска́вый и обре-
тый. Ты еси́ рекый, я́ко грядуща́го ко Мне не изжену́ вон; Ты еси́, и́же
блудницы́ честне́и Твои́ но́зе слезáми омочившия не возгнуша́выйся; Ты
еси́ рекый: ели́жды а́ще падéши, востáни, и спасе́шися; Ты еси́ рекый,
я́ко ра́дость бывáет на небеси́ о еди́ном грешнице ка́ющемся. Сам при́зри,
благоутрóбный Влады́ко, с высоты́ святы́я Твоея́, соосени́в нас, греш-
ных и недостóйных рабо́в Твои́х, благода́тию Свята́го Духа в час сей,
и всели́ в рабы́ Твоя́ (**имярек**), позна́вшия своя́ согрешения, и присту́-
пльшия к Тебе́ ве́рою; и при́йм Свои́м Ти Человеколю́бием, а́ще что
согрешили́ суть сло́вом, или́ дéлом, или́ помышлени́ем, простив очисти́
я, и чисти́ сотвори́ от вся́каго грехá, и при́сно спребывáя им, сохрани́
про́чее ле́то живóта их ходя́щих во оправдани́их Твои́х, во е́же не
ктому́ бы́ти им посмея́ние диáволу: я́ко да и в них просла́вится Пре-
свято́е Имя Твое́.

**Твое́ бо есть е́же ми́ловати, и спаса́ти ны, Христé Бóже, и Тебе́
сла́ву возсыла́ем со Безнача́льным Твои́м Отце́м, и Пресвяты́м, и
Благим, и Живо́творящим Твои́м Духом, ны́не и при́сно, и во ве́ки
векóв, ами́нь.**

**По молитве же абие второй иерей возьмет струец второй и, омочив и во
Святой елей, помазует болящих, глаголя молитву:**

**Отче Святы́й, Врачу́ душ и телес, посла́вый Единоро́днаго Твоего́
Сы́на, Гóспода на́шего Иисуса́ Христа́, вся́кий недуг исцеля́ющаго,
и от сме́рти избавля́ющаго, исцели́ и рабы́ Твоя́ (**имярек**), от обдержа́-
щих их телесныя и душе́вныя не́мощи, и оживотвори́ их благода́тию
Христа́ Твоего́; моли́твами Пресвяты́я Влады́чицы на́шей Богороди́цы,**

* дика́я смоко́вница

и Приснодѣвы Маріи; предстательства честныхъ Небесныхъ Силъ Безплотныхъ; сілою Честнаго и Животворящаго Креста; честнаго и славнаго пророка, Предтечи и Крестителя Иоанна; святыхъ славныхъ и всехвальныхъ апостоловъ; святыхъ славныхъ, и добропобѣдныхъ мучениковъ; преподобныхъ и богоносныхъ отецъ нашихъ; святыхъ и исцелителей безсребренниковъ, Космы и Дамиана, Кира и Иоанна, Пантелеимона и Ермолая, Самсона и Диоміда, Фотія и Аникиты; святыхъ и праведныхъ богоотецъ Иоакима и Анны, и всехъ святыхъ.

Яко Ты еси источникъ исцелений, Боже нашъ, и Тебѣ славу возсылаемъ, со Единороднымъ Твоимъ Сыномъ, и Единосущнымъ Твоимъ Духомъ, нынѣ и присно, и во вѣки вѣковъ, аминь.

На помазании припеваемъ: Услыши ны: Помилуй ны: Исцели ны: яко прежде указуяся. (стр.14)

Диаконъ: Вонмемъ. Священникъ третій: Миръ всемъ.

Чтецъ: И духови Твоему.

Диаконъ: Премудрость, вонмемъ. Прокименъ, гласъ 3: Господь Просвещеніе мое/ и Спаситель мой, когѣ убоюся?

Стихъ: Господь Защититель живота моего, от когѣ устрашуся?

Диаконъ: Премудрость. Къ коринфяномъ посланія святаго апостола Павла чтеніе. Вонмемъ:

Братіе, вы есте Тѣло Христова, и уди от части. И овы убо положи Богъ въ Цѣркви первее апостолы, второе пророки, третіе учителя; потомъ же сілы, таже дарованія исцелений, заступленія, правленія, рѣди языковъ. Еда вси апостолы? Еда вси пророцы? Еда вси учителя? Еда вси сілы? Еда вси дарованія имутъ исцелений? Еда вси языки глаголютъ? Еда вси сказуютъ? Ревнуйте же дарованийъ большихъ; и еще по превосхожденію путь вамъ показую. Аще языки человѣческими глаголю и

ангельскими, любвѣ же не ѿмам, бых (яко) медь звенящи, или кимвал звяцаѣй. И аще ѿмам пророчество и вем тайны вся, и весь разум, и аще ѿмам всю веру, яко и горы преставляти, любвѣ же не ѿмам, ничтоже есмь. И аще раздам вся имения моя, и аще предам тело мое, во еже сжещи е, любвѣ же не ѿмам, ни каѣ польза ми есть. Любы долго терпит, милосердствует, любы не завидит, любы не превозносится, не гордится, не безчинствует, не ищет своя си, не раздражается, не мыслит зла, не радуется о неправде, радуется же о истине; вся любит, всему веру емлет, вся уповает, вся терпит. Любы николиже отпадает.

Священник третий: Мир ти.

Диакон: И духови твоему. Премудрость, вонмем. Аллилуия, глас 2.

Аллилуия, аллилуия, аллилуия.

Стих: На Тя, Господи, уповах, да не постыжуся во век.

Диакон: Премудрость, прости, услышим святаго Евангелия.

Священник: Мир всем. **Лик:** И духови твоему.

Священник: От Матфея святаго Евангелия чтение.

Лик: Слава Тебе, Господи, слава Тебе.

Диакон: Вонмем.

Во время оно, призвав Иисус обанадесять ученики Своя, даде им власть на дусех нечистых, яко да изгонят их, и целити всяк недуг и всяку болезнь. Сия обанадесять посла Иисус, заповеда им, глаголя: на путь язык не идите, и во град самарянский не внидите. Идите же паче ко овцам погибшим дому Израилева. Ходяще же проповедуйте, глаголюще: яко приближися Царствие Небесное. Болящия исцеляйте, прокаженных очищайте, мертвых воскрешайте, бесы изгоняйте; туне прийте, туне дадите.

Лик: Слава Тебе, Господи, слава Тебе.

Таже диакон глаголет ектению: Помилуй нас, Боже:

И возглас: Яко милостив и Человеколюбец Бог еси, и Тебе славу возсылаем, Отцу и Сыну и Святому Духу, ныне и присно, и во веки веков.

Лик: АМИНЬ.

Диакон: Господу помолимся. **Лик:** Господи, помилуй.

Священник молитву:

Владыко Вседержителю, Святы́й Царю́, наказу́й и не умерщвля́й, утвержда́й низпада́ющия, и возводи́й низверженныя, телесныя скорби исправля́й челове́ков; мо́лимся Тебе́, Бо́же наш, я́ко да наведе́ши ми́лость Твою́ на еле́й сей, и на помазующияся от него́ во Имя Твое́; да бу́дет им во исцеление́ ду́ши же и те́ла, и во очищение́ и изменение́ вся́кия стра́сти, и вся́каго недúга, и я́зи, и вся́кия скверны́ плóти и дúха. Ей, Го́споди, врачéбную Твою́ си́лу с небесе́ низпосли́, прикосни́ся телеси́, угаси́ огневи́цу, укроти́ страсть, и всякую́ не́мощь таящуюся. Бу́ди врач рабо́в Твои́х (имярек), воздвигни́ я от одра́ болезненнаго, и от ло́жа озлобле́ния це́лы и всесовершенство́ны, да́руй я Цéркви Твое́й благоугожда́ющи и творя́щи во́лю Твою́.

Твое́ бо есть, е́же ми́ловати и спаса́ти ны, Бо́же наш: и Тебе́ сла́ву возсыла́ем, Отцу́ и Сы́ну и Свято́му Дúху, ны́не и прýсно, и во ве́ки веко́в, ами́нь.

По молитве же третий иерей возьмет струец третий, и омочив и во святы́й елей, помазует болящия, глаголя молитву:

Отче Святы́й, Врачу́ душ и телес, послáвый Единоро́днаго Твоего́ Сы́на, Го́спода на́шего Иису́са Христа́, вся́кий недúг исцеля́ющаго, и от сме́рти избавля́ющаго, исцели́ и рабы́ Твоя́ (имярек), от обдержа́щих их телесныя и душе́вныя не́мощи, и оживотвори́ их благода́тию Христа́ Твоего́; моли́твами Пресвяты́я Влады́чицы на́шей Богороди́цы, и Присноде́вы Мари́и; предста́тельствы честных Небе́сных Сил Безплóтных; си́лою Честна́го и Животворя́щаго Креста́; честна́го и сла́внаго проро́ка, Предте́чи и Крестите́ля Иоáнна; святы́х сла́вных и всехва́льных апо́столов; святы́х сла́вных, и добропобéдных му́чеников; преподо́бных и богоно́сных оте́ц на́ших; святы́х и исцелите́лей безсребре́нников, Космы́ и Дамиána, Ки́ра и Иоáнна, Пантелеи́мона и Ермола́я, Сампсо́на и Диоми́да, Фо́тия и Аники́ты; святы́х и пра́ведных богооте́ц Иоакима́ и Анны, и всех святы́х.

Яко Ты еси́ исто́чник исцелений, Бо́же наш, и Тебе́ сла́ву возсыла́ем, со Единоро́дным Твои́м Сы́ном, и Единосу́щным Твои́м Дúхом, ны́не и прýсно, и во ве́ки веко́в, ами́нь.

На помазании припеваем: Услы́ши ны: Поми́луй ны: Исцели́ ны: я́ко прежде указу́ся. (Стр.14)

Диакон: Во́ннем.

Священник четвертый: Мир всем. Чтец: И дúхови твоему́.

Диакон: Прему́дрость, во́ннем.

Диакон, прокимен, глас 4: Во́ньже а́ще день призову́ Тя;/ ско́ро услы́ши мя.

святаго елея



Стих: Гóсподи, услыши моли́тву мою́, и вопль мой.

Диакон: Прему́дрость. **К** коринфяном послáния свята́го апóстола Пáвла чтéние. **Вóн**мем:

Брáтие, вы естé Цérкви Бóга Жíва, я́коже рече́ Бог, я́ко все-лю́ся в них и похожду́, и б́ду им Бог, и т́и б́дут Мне лю́дие. Тэм же изыди́те от среды́ их, и отлучи́теся, глаго́лет Господь, и нечистоте́ не прикасай́теся, и Аз прииму́ вы. И б́ду вам во Отца́, и вы б́дете Мне в сы́ны и дщэри, глаго́лет Господь Вседержи́тель. Сицева́ у́бо иму́ще обетова́ния, о, возлю́бленнии, очисти́м себе́ от вся́кия скверны́ плóти и д́ха, творя́ще святи́ню в стра́се Бóжиин.

св
182

Священник четвертый: Мир ти.

Диакон: И д́хови твоemú. Прему́дрость, вóнмем. Аллилу́ия, глас 2. (Зри напев на стр.19)

Стих: Терпя́ потерпéх Гóспода, и внят ми.

Диакон: Прему́дрость, прóсти, услы́шим свята́го Евáнгелия.

Священник: Мир всем. **Лик:** И д́хови твоemú.

Священник: От Матфе́я свята́го Евáнгелия чтéние.

Лик: Сла́ва Тебе́, Гóсподи, сла́ва Тебе́.

Диакон: Вóнмем.

Священник: Во вре́мя о́но, пришéд Иису́с в дом Петро́в, ви́де тэ́щу его́ лежа́щу, и огне́м жегóму, и прикосну́ся руце́ ея́ и оста́ви ю́ огонь; и воста́, и служа́ше Ему́. По́зде же бы́вшу, приведо́ша к Нему́ бесны́ мно́ги и изгна́ д́хи сло́вом, и вся боля́щия исцели́. Да сб́дется рече́нное Иса́ием проро́ком глаго́лющим: Той недúги на́ша прият, и болéзнии понесе́. Ви́дев же Иису́с мно́ги наро́ды о́крест Себе́, повеле́ (ученико́м) ити́ на он пол. И присту́пль еди́н кни́жник, рече́ Ему́: Учи́телю, иду́ по Тебе́, а́може а́ще и́деши. Глаго́ла ему́ Иису́с: ли́си яз-вины́ и́мут, и пти́цы небéсныя гнезда́; Сын же Человéческий не и́мать где главы́ подклони́ти. Други́й же от учени́к Его́ рече́ Ему́: Гóсподи, повели́ ми прэ́жде ити́ и погребсти́ Отца́ моего́. Иису́с же рече́ ему́: гряди́ по Мне, и оста́ви мёртвых погребсти́ своя́ мертвецы́. И влэ́зшу Ему́ в кора́бль, по Нем идо́ша ученицы́ Его́.

св
26

Лик: Сла́ва Тебе́, Гóсподи, сла́ва Тебе́.

Таже диакон глаголет ектению: Помилуй нас, Бóже:

И возглас: Яко мѣлостив и Человеколюбец Бог еси, и Тебѣ славу возсылаем, Отцу и Сыну и Святому Духу, ныне и присно, и во веки веков.

Лик: АМИНЬ.

Диакон: Господу помолимся. **Лик:** Господи, помилуй.

Священник молитву:

Блаже и Человеколюбче, благоутробне и многомилостиве Господи, многий в милости, и богатый в благостыни, Отче щедрот, и Бóже всякаго утешения, укрепивый ны святыми Твоими апостолами, елеем с молитвою немощи людей целити; Сам и елей сей вчини в цельбу от него помазующимся, в пременение всякаго недуга, и всякия язы, во избавление зол, чающим еже от Тебѣ спасения. Ей, Владыко, Господи Бóже наш, молимся Ти, Всесильне, еже спасти вся ны, Едине душ же и телес Врачу, освати вся ны; всяк недуг исцеляяй, исцели и рабы Твоя (**имярек**), воздвигни я от одра болезненнаго милостию Твоея благодати, посети я милостию и щедротами Твоими; отжени от них всякую болезнь и немощь, яко да воставше рукою Твоею крепкою, поработают Тебѣ со всяким благодарением; яко да и ныне причащающееся Твоего неизглаголаннаго человеколюбия, поем и славим Тя, творящаго великая и чудная, славная же и изрядная.

Твое бо есть, еже мѣловати, и спасати ны, Бóже наш, и Тебѣ славу возсылаем, Отцу и Сыну и Святому Духу, ныне и присно, и во веки веков, аминь.

По молитве же абие четвертый иерей возьмет струец четвертый и, омочив и во святой елей, помазует болящаго, глаголя молитву:

Отче Святей, Врачу душ и телес, пославый Единороднаго Твоего Сына, Господа нашего Иисуса Христа, всякий недуг исцеляющаго, и от смерти избавляющаго, исцели и рабы Твоя (**имярек**), от обдержания их телесныя и душевныя немощи, и оживотвори их благодатию Христа Твоего; молитвами Пресвятыя Владычицы нашея Богородицы, и Приснодевы Марии; предстательства честных Небесных Сил Безплотных; силою Честнаго и Животворящаго Креста; честнаго и славнаго пророка, Предтечи и Крестителя Иоанна; святых славных и всехвальных апостолов; святых славных, и добропобедных мучеников; преподобных и богоносных отец наших; святых и исцелителей безсребренников, Космы и Дамиана, Кира и Иоанна, Пантелеимона и Ермолая, Самсона и Диомида, Фотия и Аникиты; святых и праведных богоотец Иоакима и Анны, и всех святых.

Яко Ты еси источник исцелений, Бóже наш, и Тебѣ славу возсылаем, со Единородным Твоим Сыном, и Единосущным Твоим Духом, ныне и присно, и во веки веков, аминь.

Припеваем: Услы́ши ны: Поми́луй ны: Исцели́ ны:

Диакон: Во́ннем.

Иерей пятый: Мир всем. **Чтец:** И ду́хови твоему́.

Диакон: Прему́дрость, во́ннем.

Чтец, прокимен, глас 5: Ты, Го́споди, сохрани́ши ны, / и соблюде́ши ны от ро́да сего́, и во век.

Ты, Господи, сохраниши ны и соблюдеши ны
от ро - да се - го и во век.

Стих: Спаси́ мя, Го́споди, я́ко оскуде́ преподо́бный.

Диакон: Прему́дрость. **К** коринфяном послáния свята́го апо́стола Па́вла чтéние. **Во́ннем:**

Брати́е, не хо́щю вас не ве́дети о скóрби на́шей, бы́вшей нам во Аси́и, я́ко попремно́гу и па́че си́лы отяготи́хомся, я́ко не надéются нам и жи́ти. Но са́ми в себе́ осужде́ние сме́рти имéхом, да не надéющеся бу́дем на ся, но на Бо́га, возставля́ющаго ме́ртвыя, Иже от толи́кия сме́рти изба́вил ны е́сть, и избавля́ет; На́нже и упова́хом, я́ко и е́ще изба́вит; поспеша́ющим и вам по нас моли́твою; да от мног лиц, е́же в нас дарова́ние, мно́гими благодари́тся о вас.

Священник пятый: Мир ти.

Диакон: И ду́хови твоему́. Прему́дрость, во́ннем. **Аллилу́ия,** глас 5. (Зри напев на стр. 16)

Стих: Ми́лости Твоя́, Го́споди, в век воспою́.

Диакон: Прему́дрость, про́сти, услы́шим свята́го Ева́нгелия.

Священник: Мир всем. **Лик:** И ду́хови твоему́.

Священник: От Матфе́я свята́го Ева́нгелия чтéние.

Лик: Сла́ва Тебе́, Го́споди, сла́ва Тебе́.

Диакон: Во́ннем.

сѣ
104

Рече́ Господь притчу сию: уподобися Царствие Небесное десяти́м де́вам, яже прияша свѣтильни́ки своя́, и изыдо́ша в срѣтение жениху́. Пять же бе от них му́дры и пять юро́дивы. Юро́дивыя же, приѣмша свѣтильни́ки своя́, не взя́ша с собою́ елѣя. Му́дрыя же прия́ша елѣй в сосу́дех, со свѣтильни́ки свои́ми. Косня́щу же жениху́, воздрема́шася вся, и спа́ху. Полу́нощи же вопль бысть: се, жени́х грядѣт, исходите в срѣтение его́. Тогда́ воста́ша вся де́вы ты́я, и украси́ша свѣтильни́ки своя́. Юро́дивыя же му́дрым рѣша: дадите́ нам от елѣя ва́шего, яко свѣтильни́цы на́ши угаса́ют. Отвѣща́ша же му́дрыя, глаго́люща: еда́ како́ не доста́нет нам и вам? Идите́ же па́че к продаю́щим и купите́ себѣ́. Иду́щим же им купити́, приѣде жени́х и гото́выя внидо́ша с ним на бра́ки, и затворѣ́ны бы́ша двѣри. Последі́ же приидо́ша и прѣчія де́вы, глаго́люще: Го́споди, Го́споди, отвѣрзи́ нам. Он же отвѣща́в, рече́ им: ами́нь глаго́лю вам, не вем вас. Бдите́ у́бо, яко́ не ве́сте дне, ни часа́, во́ньже Сын Человѣ́ческий приидет.

Лик: Сла́ва Тебе́, Го́споди, сла́ва Тебе́.

Таже диакон глаголет ектению: Помилуй нас, Бо́же:

И возглас: Яко́ ми́лостив и Человеколю́бец Бог еси́, и Тебе́ сла́ву возсыла́ем, Отцу́ и Сы́ну и Свято́му Ду́ху, ны́не и прѣсно, и во ве́ки веко́в.

Лик: Ами́нь.

Диакон: Го́споду помо́лимся. **Лик:** Го́споди, помилуй.

Священник молитву:

Го́споди Бо́же наш, наказу́яй и па́ки исцеля́яй, воздвиза́яй от земли́ ни́ща, и от гно́ища возвыша́яй убо́гаго; сирѣ́т Отче, и обуре́ваемых Приста́нище, и недугующих Врачу́; немо́щи на́ша неболезненно́ нося́й, и неду́ги на́ша приѣмля́й; в ти́хости ми́луяй, превосходя́й беззакѣ́нія, и изыма́яй неправды́, ско́рый в по́мощь, и ко́сный во гнев; ду́нувый на Сво́я учени́ки, и рекий: приимите́ Ду́ха Свята́го; и́мже а́ще оста́вите грехи́, оста́вятся им; приѣмля́й грѣшных покая́ние, и власть имѣ́яй проща́ти грехи́ мно́гия и лю́тыя; и исцелѣ́ние подава́я всем, в немо́щи и долгонеду́жии пребыва́ющим; и́же менѣ́ смиренна́го и грѣшна́го и недостѣ́йнаго раба́ Твоего́, во мно́зех гресѣ́х сплетѣ́ннаго и страстьми́ сласте́й валя́ющагося, призва́вый во святы́й и превелича́йший степе́нь священства, и вни́ти во вну́треннее заве́сы, во Свята́я Святы́х, иде́же прини́кнути святѣ́и а́нгели жела́ют, и слы́шати Ева́нгельский глас Го́спода Бо́га, и зрѣти́ самозра́чне лице́ Свята́го возноше́ния, и наслажда́тися Бо́жественны́я и священны́я литурги́и, сподо́бивый мя священноде́йствовати Пренебѣ́сныя Твоя́ Та́йны, и приноси́ти Тебе́ да́ры же и же́ртвы о на́ших гресѣ́х, и людски́х неве́жестви́их, и ходата́йствовати о словѣ́сных Твои́х овца́х, да мно́гим и неизрече́нным Твои́м Человеколю́бием прегреше́ния их очисти́ши.

Сам, Преблагій Царю, внуші моли́тву мою́ в сей час же и святы́й день, и на всякое вре́мя и ме́сто; и вонми́ гла́су моле́ния моего́, и рабом Твои́м **(имярек)**, в не́мощи душе́вной и телéсной сущим исцелéние дáруй, пода́я им оставлéние грехо́в, и прощéние согрешéний, вольных же и невольных; уврачу́й их я́звы неисцélныя, всякий же недúг, и всяку́ я́зю, дáруй им душе́вное исцелéние. Прикосну́вься тéщи Петро́ве, и оста́ви ю́ огневица, и воста́ и служáше Тебé; Сам Влады́ко, и рабо́м Твои́м **(имярек)** пода́ждь врачевáние, и пременéние всякия тлетво́рныя болéзны, и помяни́ богáтыя Твоя́ щедрóты, и мило́сть Твою́. Помяни́, я́ко прилéжно належит помышлéние челове́ка на лука́вая от ю́ности его́, и ни еди́н обрета́ется безгрéшен на земл́и; Ты бо Еди́н кромé грехá еси́, пришéдый и спасый́ челове́ческий род, и свободи́вый нас от рабо́ты вра́жия. Аще бо в суд вни́деши с рабы́ Твои́ми, никто́же обря́щется чист от сквэрны; но всякая уста́ заградят́ся, не имúщая что отвещáти, занé я́коже руб повéрженный, всякая прáвда нáша пред Тобо́ю. Сего́ рáди грехи́ ю́ности нáшей не помяни́, Гóсподи; Ты бо еси́ наде́жда ненаде́ющихся, и упокоéние тружда́ющихся, и обременéнных в беззакóнных, и Тебé сла́ву возсыла́ем, со Безначáльным Твои́м Отцém, и Пресвяты́м, и Благи́м, и Животворя́щим Твои́м Дúхом, ны́не и пр́сно и во вéки веко́в, ами́нь.

По молитве же абие пятый священник возьмет струец пятый и, омочив и во святой елей, помазует болящих, глаголя молитву:

Отче Святы́й, Врачу́ душ и телéс, послáвуй Единорóднаго Твоего́ Сы́на, Гóспода нáшего Иисúса Христа́, всякий недúг исцеля́ющаго, и от смérти избавля́ющаго, исцели́ и рабы́ Твоя́ **(имярек), от обдержáщих их телéсныя и душе́вныя не́мощи, и оживотвори́ их благодáтию Христа́ Твоего́; моли́твами Пресвяты́я Влады́чицы нáшей Богороди́цы, и Приснодéвы Марии́; предстáтельствы честных Небéсных Сил Безплóтных; síлюю Честна́го и Животворя́щаго Крестá; честна́го и сла́внаго проро́ка, Предтéчи и Крестите́ля Иоáнна; святы́х сла́вных и всехва́льных апóстолов; святы́х сла́вных, и добропобéдных мучеников; преподóбных и богоно́сных отéц нáших; святы́х и исцелите́лей безсребрénников, Космы́ и Дамиána, Кира́ и Иоáнна, Пантелеимона́ и Ермола́я, Сампсо́на и Диоми́да, Фóтия и Аникиты́; святы́х и праведных богоотéц Иоакима́ и Анны́, и всех святы́х.**

Яко Ты еси́ истóчник исцелéний, Бóже наш, и Тебé сла́ву возсыла́ем, со Единорóдным Твои́м Сы́ном, и Единосу́щным Твои́м Дúхом, ны́не и пр́сно, и во вéки веко́в, ами́нь.

Припеваем: Услы́ши ны: **Помилуй ны:** **Исцели ны:**

Диакон: Вóннем.

Священник шестый: Мир всем. **Чтец:** И дúхови твоему́.

Диакон: Премудрость, вонмем.

Чтец: Прокимен, глас 6: Помилуй мя, Бóже, / по велицей милости Твоей.

Помилуй мя, Боже, по велицей, по велицей милости Твоей.

Стих: Сёрдце чисто созижди во мне, Бóже, и дух прав обнови во утробе моей.

Диакон: Премудрость. К галатом послания святого апостола Павла чтение. Вонмем:

сн
213

Братие, плод духовный есть любви, радость, мир, долготерпение, благодать, милосердие, вера, кротость, воздержание; на таких несть закона. А иже Христовы суть, плоть распяша со страстьми и похотьми. Аще живём духом, духом и да ходим. Не бываем тщеславни, друг друга раздражающе, друг другу завидяще. Братие, аще и впадёт человек в некое прегрешение, вы духовнии исправляйте такового духом кротости; блюдыи себе, да не и ты искушен будеши. Друг друга тяготы носите, и тако исполните закон Христов.

Священник шестый: Мир ти.

Диакон: И духови твоему. Премудрость, вонмем. Аллилуия, глас 6.

Аллилуия, аллилуия, аллилуия.

Стих: Блажен муж бойся Господа, в заповедех Его восхощет зело.

Диакон: Премудрость, прости, услышим святого Евангелия.

Священник: Мир всем. **Лик:** И духови твоему.

Священник: От Матфея святого Евангелия чтение.

Лик: Слава Тебе, Господи, слава Тебе.

Диакон: Вонмем.

Во время оно, вниде Иисус во страны Тирския и Сидонския. И се, жена Хананейска от предел тех изшедши, возопи к Немю, глаголющи: помилуй мя, Господи, Сыне Давидов: дщи моя зле беснуется.

сн
62

Он же не отвещá ей словесé. И пристúплъше ученицы́ Его́, моля́ху Его́, глаго́люще: отпусти́ ю, я́ко вопиéт в след нас. Он же отвещáв речé: несмь по́слан, то́кмо ко овца́м поги́бшим до́му Изра́илева. Она́ же пришéдши поклонíся Ему́, глаго́лющи: Гóсподи, помози́ ми. Он же отвещáв речé: несть добро́ отъя́ти хлéба ча́дом, и поврещи́ псом. Она́ же речé: ей, Гóсподи, и́бо и пси ядят от крупи́ц, па́дающих от трапéзы господéй свои́х. Тогда́ отвещáв Иисус, речé ей: о, жéно, вéлия вéра твоя́; буди́ тебе́, я́коже хочещи. И исцелé дщи ея́ от того́ часá.

Лик: Сла́ва Тебе́, Гóсподи, сла́ва Тебе́.

Таже диакон глаголет ектению: Помíлуй нас, Бóже:

И возглас: Я́ко мíлостив и Человеколю́бец Бог еси́, и Тебе́ сла́ву возсыла́ем, Отцу́ и Сы́ну и Свято́му Ду́ху, ны́не и прíсно, и во вéки веко́в.

Лик: АМИ́НЬ.

Диакон: Гóсподу помóлимся. **Лик:** Гóсподи, помíлуй.

Священник молитву:

Благодарíм Тя, Гóсподи Бóже наш, благíй Человеколю́бче, и Врачу́ душ и телéс на́ших, недúги на́ша неболéзненно нося́й, Его́же я́звою вси исцелéхом; Па́стырю до́брый, на взыска́ние пришéдый заблúждшаго овча́те; малоду́шным дая́й утешéние, и живóт сокрушён-ным; истóчник кровото́чивыя дванадесятилётен быв́ший исцели́вый; дщерь Хананéину от лю́таго дéмона свободíвый; долг дарова́вый двема́ должникóма, и грéшной женé оставлéние да́вый; исцелéние разсла́бленному дарова́вый, со оставлéнием грехóв его́; мытаря́ слóвом оправда́вый, и разбо́йника в последнем его́ исповéдании приéмый; грехи́ мíра взéмый, и на Крестé пригвоздíвый; Тебе́ мо́лимся и Тебе́ про́сим, в блага́сти Твоéй, Сам осла́би, оста́ви, прости́, Бóже, беззакó-ния, и грехи́ рабо́в Твои́х (**имярек**), согрешéния их вóльная и невóльная, я́же в вéдении и не в вéдении, я́же в преступлéнии, и в преслу́шании, я́же в но́щи и во дни; или́ в кля́тве священни́честей, или́ óтчи, или́ ма́терни бысть; или́ очíма воззрéнием, или́ вéждама помава́нием; или́ прилежа́нием любодéйства, или́ вкушéнием блуда́; или́ в ко́емлюбо движéнии плóти и ду́ха, отчужди́ся хотéния Твоего́, и Твоея́ Святы́ни. Аще же согрешíша те́же, и мы, я́ко благ и непамятозлóбивый Бог и Человеколю́бец прости́, не оставля́я его́ и нас в сквэрное житиé впа́сти, ниже́ в па́губныя пу́ти тещи́. Ей, Влады́ко, Гóсподи, услы́ши мя грéшнаго в час сей за рабо́в Твои́х (**имярек**), и прéзри я́ко непамятозлóбивый Бог согрешéния их вся; свободи́ я от вéчныя му́ки; уста́ их Твоего́ хвалéния испóлни; устне́ их отвéрзи к славослóвию Имене Твоего́; рúце их простри́ к дéланию за́поведей Твои́х; нóзе их к течéнию благовество-ва́ния Твоего́ исправи́; вся их у́ды и мы́сли Твоею́ укрепля́я блага́тию. Ты бо еси́ Бог наш, святы́ми Твои́ми апóстолы заповéдавый нам, гла-го́ля: елика́ а́ще свяжете́ на земли́, бúдут связа́на на небесéх; и елика́

аще разрешите на земли, будут разрешена на небесах. И паки: ихже аще оставите грехи, остаются им, ихже аще держите, удержатся. И якоже услышал еси Езекию в скорби души его, в час смерти его, и не презрел еси моления его; такожде и мене смиренного и грешного и недостойного раба Твоего услыши в час сей. Ты бо еси, Господи Иисусе Христе, седмдесят крат седмерицею оставляти падающим в грехи повелевый, Твоею благодатию и Человеколюбием; и кайся о злобах наших, и радуяся о обращении заблужденных; зане яко величество Твое, тако и милость Твоя; и Тебе славу возсылаем, со Безначальным Твоим Отцем, и Пресвятым, и Благим, и Животворящим Твоим Духом, ныне и присно, и во веки веков, аминь.

По молитве же абие шестый священник возьмет струец шестый и, омочив и во святой елей, помазует болящих, глаголя молитву:

Отче Святыи, Врачу душ и телес, пославый Единородного Твоего Сына, Господа нашего Иисуса Христа, всякий недуг исцеляющего, и от смерти избавляющего, исцели и рабы Твоя (имярек), от обдержавших их телесныя и душевныя немощи, и оживотвори их благодатию Христа Твоего; молитвами Пресвятыя Владычицы нашея Богородицы, и Приснодевы Марии; предстательства честных Небесных Сил Безплотных; силою Честнаго и Животворящаго Креста; честнаго и славнаго пророка, Предтечи и Крестителя Иоанна; святых славных и всехвальных апостолов; святых славных, и добропобедных мучеников; преподобных и богоносных отец наших; святых и исцелителей безсеребренников, Космы и Дамиана, Кира и Иоанна, Пантелеимона и Ермолая, Сампсона и Диомида, Фотия и Аникиты; святых и праведных богоотец Иоакима и Анны, и всех святых.

Яко Ты еси источник исцелений, Боже наш, и Тебе славу возсылаем, со Единородным Твоим Сыном, и Единосущным Твоим Духом, ныне и присно, и во веки веков, аминь.

Припеваем: Услыши ны: Помилуй ны: Исцели ны:

Диакон: Вонмем.

Священник седмый: Мир всем. Чтец: И духови твоему.

Диакон: Премудрость, вонмем.

Чтец: Прокимен, глас 7. Господи, да не яростию Твоею обличиши мене, / ниже гневом Твоим накажешо мене.

Гос - по - ди, да не яростию Твоею о - бли - чи - ши ме - не,

святаго елея

ниже гневом Твоим накажеши мене.

Стих: Помилуй мя, Господи, яко немощен есмь.

Диакон: Премудрость. **К** солуняном послания святаго апостола Павла чтение. **В**оннем:

Братие, молим вы: вразумляйте безчинныя, утешайте малодушныя, заступайте немощныя, долготерпите ко всем. Блюдите, да никтоже зла за зло кому воздаст; но всегда доброе гоните, и друг ко другу, и ко всем. Всегда радуйтесь; непрестанно молитесь; о всем благодарите; сия бо есть воля Божия о Христе Иисусе в вас. Духа не угашайте, пророчества не унижайте. Вся же искушающе, добрая держите. От всякия вещи злыя отгребайтесь. Сам же Бог мира да освятит вы всесовершенны о всем, и всесовершен ваш дух, и душа, и тело непорочно, в пришествие Господа нашего Иисуса Христа да сохранится.

св
273

Священник седмый: Мир ти.

Диакон: И духови твоему. Премудрость, воннем. Аллилуия, глас 7.

Ал - ли - лу - и - я, ал - ли - лу - и - я, ал - ли - лу - и - я.

Стих: Услышит тя Господь в день печали, защитит тя Имя Бога Иаковля.

Диакон: Премудрость, прости, услышим святаго Евангелия.

Священник: Мир всем. **Лик:** И духови твоему.

Священник: От Матфея святаго Евангелия чтение.

Лик: Слава Тебе, Господи, слава Тебе.

Диакон: Воннем.

Священник: Во время оно, переходя Иисус, виде человека сидяща на мытнице, Матфея глаголема, и глагола ему: по Мне гряди. И востав по Нем иде. И бысть ему возлежащу в дому, и се, мнози мытари и грешницы пришедше возлежаху со Иисусом, и со ученики Его.

св
30

И видевше фарисее, глаголаху учеником Его: почто с мытаря и грешники Учитель ваш яст и пиет? Иисус же слышав, рече им: не требуют здравии врача, но болящии; шедше же научитесь, что есть: милости хочу, а не жертвы; не приидох бо призвати праведники, но грешники на покаяние.

Лик: Слава Тебе, Господи, слава Тебе.

Таже диакон глаголет ектению: Помилуй нас, Боже:

И возглас: Яко милостив и Человеколюбец Бог еси, и Тебе славу возсылаем, Отцу и Сыну и Святому Духу, ныне и присно, и во веки веков.

Лик: Аминь.

Диакон: Господу помолимся. **Лик:** Господи, помилуй.

Священник молитву сию:

Владыко Господи Боже наш, Врачу душ и телес, временныя страсти уврачевавый, исцеляяй всяк недуг и всякую язю в людех, хотяй всем человеком спастися, и в познание истины прийти, не хотяй смерти грешника, но яко обратится, и живу быти ему. Ты бо, Господи, в Ветхом Завете положил еси покаяние грешным, Давиду, и Ниневитяном, и прежде тех бывшим; но и во пришествии плотскаго Твоего смотрения, не призвал еси праведныя, но грешныя в покаяние; якоже мытаря, якоже блудницу, разбойника, и хульнаго гонителя, великаго Павла покаянием приемый. Петра верховнаго и апостола Твоего, отвергшагося Тебе трижды, покаянием приял еси, и обещал еси ему, глаголя: ты еси Петр, и на сем камени созижду Церковь Мою, и врата ада не одолеют ей, и дам тебе ключи Царствия Небеснаго. Сего ради и мы, Блаже и Человеколюбче, по неложным Твоим обещанием дерзающе, молимся Тебе, и просим в час сей: услыши моление наше, и прими е, якоже кадило приносимое Тебе, и посети рабы Твоя (имярек), и аще что согрешиша словом, или делом, или помышлением, или в нощи, или во дни; или под клятву священническую, или своему проклятию подпавша; или клятвою огорчашася, и прокляша себе; Тебе просим, и Тебе молимся, остави, прости им, Боже, презирая беззакония их и грехи, и яже в ведении и не в ведении бывшия от них. И аще что от заповедей Твоих преступиша, или согрешиша, яко плоть носяще, и в мире живуще, или от действия диавольскаго; Сам, яко благ и Человеколюбец Бог прости; яко несть человека, иже поживет, и не согрешит. Ты бо Един еси безгрешен; правда Твоя правда в век и слово Твое истина. Не бо создал еси человека в погибель, но в снабдение заповедей Твоих, и живота нетленного наследие: и Тебе славу возсылаем, со Отцем и Святым Духом, ныне и присно и во веки веков, аминь.

По молитве же абие седмый иерей возьмет струец седмый и, омочив и во святыи елей, помазует болящаго, глаголя молитву:

Отче Святыи, Врачу душ и телес, пославый Единороднаго Твоего Сына, Господа нашего Иисуса Христа, всякий недуг исцеляющаго, и от смерти избавляющаго, исцели и рабы Твоя (имярек), от обдержавших их телесныя и душевныя немощи, и оживотвори их благодатию Христа Твоего; молитвами Пресвятыя Владычицы нашея Богородицы, и Приснодевы Марии; предстательства честных Небесных Сил Безплотных; силою Честнаго и Животворящаго Креста; честнаго и славнаго пророка, Предтечи и Крестителя Иоанна; святых славных и всехвальных апостолов; святых славных, и добропобедных мучеников; преподобных и богоносных отец наших; святых и исцелителей безсребренников, Космы и Дамиана, Кира и Иоанна, Пантелеимона и Ермолая, Самсона и Диомиды, Фотия и Аникиты; святых и праведных богоотцев Иоакима и Анны, и всех святых.

Яко Ты еси источник исцелений, Боже наш, и Тебе славу возсылаем, со Единородным Твоим Сыном, и Единосущным Твоим Духом, ныне и присно, и во веки веков, аминь.

И паки: Услыши ны: Помилуй ны: Исцели ны:

По скончании же сего людие, приемлющи елеосвящение, входят посреде священников. Настоятель же взем святое Евангелие, и разгнув е, возлагает писмены на главах их, придерживающим всем священником. Начальствуяй же не возлагает руку, но велегласно глаголет молитву сию:

Царю Святыи, благоутробне и многомилостиве Господи Иисусе Христе, Сыне и Слове Бога Живаго, не хотяи смерти грешнаго, но яко обратиши, и живу быти ему; не полагаю руку мою грешную на главы пришедших к Тебе во гресех, и просящих у Тебе нами оставление грехов; но Твою руку крепкую и сильную, яже во святем Евангелии сем, еже сослужители мой держат на главах рабов Твоих (имярек), и молюся с ними, и прошу милостивное и непамятозлбное Человеколюбие Твое, Боже, Спасителю наш, пророком Твоим Нафаном, покаившемуся Давиду о своих согрешениях оставление даровавый, и Манассину еже о покаянии молитву приемыи; Сам и рабы Твоя (имярек), кающиеся о своих согрешениях, прими обычным Твоим Человеколюбием, презираяи вся их прегрешения. Ты бо еси Бог наш, Иже и седмьдесят крат седмерицею оставляти повелевый, падающим в грехи; зане яко величество Твое, тако и милость Твоя, и Тебе подобает всякая слава, честь и поклонение, ныне и присно, и во веки веков, аминь.

Снемше же Евангелие с глав, дают людем целовати е.

Таже диакон глаголет ектению: Помилуй нас, Бóже:

И возглас: Яко мѣлостив и Человеколóбец Бог еси, и Тебѣ славу возсылаем, Отцу и Сыну и Святому Духу, ныне и присно, и во веки веков.

Лик: АМИНЬ.

Таже поют: Слава: самогласен, глас 4:

Истóчник исцелений имуще святѣи безсребреницы, / исцеления подаваете всем требующим, / яко превелиих дарований сподобльшиися / от приснотекущаго Истóчника Спаса нашего. / Глаголет бо к вам Господь, / яко единоревнителем апостольским: / се дах вам власть на духи нечистыя, / якоже тех изгонити, / и целити всяк недуг, и всяку язю; / темже в повелениях Его добре жительствовавше, / туне приясте, туне подаваете, // исцеляюще страсти душ и телес наших.

И ныне, глас тойже:

Призри на моления Твоих раб, Всенепорочная, / утоляющи лютаая на ны востания, / всякия скорби нас изменяющи; / Ты бо Едину твердое и известное утверждение имама, / и Твое предстательство стяжанием, / да не постыдимся, Владычице, Ты призывающи. / Потщися на умоление, Тебе верно вопиющих: / радуйся, Владычице, / всех помощи, радости и покрове, // и спасение душ наших.

Посем, лик: Слава, и ныне: Гóсподи, помилуй. (Трижды) Благослови.

И отпуст:

Христос, истинный Бог наш, молитвами Пречистыя Своея Матере; силою Честнаго и Животворящаго Креста; святаго славнаго и всехвальнаго апостола Иакова, и перваго архиереа Иерусалимскаго, брата Божия, и всех святых, спасет и помилует нас, яко благ и Человеколюбец.

Лик: Гóсподи, помилуй. (Трижды)

И полагает поклон каждый приемый елеосвящение, глаголя:

Благословите, отцы святѣи, простите мя грешнаго (-ую). (Трижды).

И прим от них благословение и прощение, отходит, благодаря Бога.